



ル 7
3334
2



凡 7
3334
2

薄海番域錄

古蕃三

河套

山左武定邵大緯星巖氏述



三面阻黃河東至山西寧武府偏關縣偏頭關
西至甘肅寧夏府相拒二千里南至邊牆北至黃河
遠者八九百里近者二三百里周之朔方漢之定襄
土肥饒可耕桑夏赫連勃勃趙元昊所據勃勃于奢
延水之北黑水之南築城曰統萬唐築受降城在河
套之北明正德以來寢失其險舍受降而衛東勝又
撤東勝而就延綏險要既失綿遠難支河套遂為虜

古蕃

卷三

昭和三十一年
九月二十六日
結束

卷二
既脫巢穴其中按明初蒙古諸部遁河外居漠北延綏無事正統後王驥兵次甘州申巖號令河套以寧然間一渡河守將王禎始築榆林城去河套三百里割沿邊一帶營堡墩臺二十四所謂兵分戍景泰初犯延慶不敢深入天順初也先爲哈刺所殺有孛來癘王子殺哈刺求脫脫不花子立之號小王子未幾弒之而大酋毛理孩阿羅出少師猛可皆與孛來相仇遂殺孛來立小王子從兄脫思爲王三酋始入河套至是阿羅出掠邊境人爲向導因知河套所在遂

盤踞出沒成化元年大入延綏項忠楊信禦却之四年阿羅出爲其黨亂加思蘭所殺併其衆而結元孽滿魯都入套六年勅王越總關中軍務議搜河套九年滿魯都忽寇韋州越偵知其老弱盡行巢于紅鹽池可取也乃與許寧周玉率輕騎晝夜三百里襲擊之斬級四百燒其廬帳而還賊相與悲泣渡河北去正德改元起楊一清總制銳志恢復疏上六事悉中機宜請復守東勝據河套水草之利逆瑾惡而罷之嘉靖初套騎二萬自井兒堡撒牆入固原平涼涇州

八年大掠榆林寧夏自是邊報無虛歲二十六年總制曾銑條上復套方畧十八事上褒賞命集議施行夏言力主之會嚴嵩與言有隙因災異疏陳銑開邊啟釁言表裏誤國仇鸞復詰之遂棄銑而並斬言天下寃之嗣後虜酋盤據其中滋其畜牧遂其生養目爲樂土矣一旦欲逐之出境虜肯袖手帖服空套以出乎於是終明之世不能收復云

哈達

盛京奉天府北哈達國萬汗姓納喇其國原名扈倫後建國于哈達地因名哈達乃吳喇貝勒始祖

納齊卜祿七代孫也其祖克習納都督爲族人巴代達爾漢所害萬奔席北部相近之綏哈城居焉其叔王任外蘭奔哈達王其部落後爲叛者所殺其子博爾坤舍追殺其人以報父仇迎兄于綏哈城爲部主萬于是攻取附近諸部還者又招徠之其勢乃盛遂稱汗國號哈達其時葉赫烏喇輝發及滿洲之渾河部俱屬之萬爲人殘暴贖貨無厭羣下效尤抗害諸路以故所創基業即自收其民多叛投葉赫先附諸國皆叛萬卒子扈爾干立八月卒弟康古魯立卒弟

古蕃

孟格布祿繼之我

太祖高皇帝天命己亥年滅之盡服其屬城時明萬歷之

二十七年也

輝發

盛京奉天府北輝發國本姓益克得里原烏龍

江岸尼馬察部人始祖昂古里星吉力自黑龍江載

木主遷于渣魯居焉有扈倫人噶揚噶圖墨土姓納

喇氏居於張他因附其姓罕七牛祭天改姓納喇星

吉力生子二長留臣次備臣備臣生納領噶耐寬納

領生拉哈都督拉哈都督生噶哈禪都督噶哈禪都

督生齊納根達爾漢齊納根達爾漢生王機斡王機斡招服輝發諸部于輝發河邊扈爾奇山築城居之因名輝發其時蒙古察哈爾查達克圖土門汗自將圍其城不克而還王機斡貝勒卒孫拜昔達里殺其叔父七人自為貝勒天命丁未年滅之

烏喇

盛京奉天府東北烏喇國本名扈倫姓納喇後

因建國烏喇河岸故改名始祖名納齊卜祿生商堅

朶爾和齊商堅朶爾和齊生加麻喀碩朱古加麻喀

碩朱古生綏屯綏屯生都爾機都爾機生子二長克

古審

卷三

四

習納都督次古對朱顏克習納生轍轍木轍轍木生
萬古對朱顏生大蘭大蘭生布顏布顏盡服烏喇諸
部築城于烏喇河岸洪尼地自稱貝勒生子二長布
干次傳克多布顏卒子布干立卒子滿太立至滿太
弟布占泰天命癸丑年滅

葉赫

盛京奉天府北葉赫始祖蒙古人姓土默特初
滅扈倫國所居張他之納喇姓部遂據其地冒姓納
喇後遷葉赫河岸建國名始祖星根達爾漢生席爾
克明噶圖席爾克明噶圖生齊生噶尼齊生噶尼生

褚孔格褚孔格生太杵太杵生子二長青佳努次楊
吉努兄弟綏服葉赫諸部各居一城哈達國人多歸
之青佳努楊吉努皆稱貝勒明萬歷十二年寧遠伯
李成梁受哈達賂誘青佳努楊吉努至開原殺之青
佳努子布寒楊吉努子納林布祿各繼父為貝勒成
梁屢攻之不克及納林布祿弟金台吉布寨子布揚
古嗣為貝勒天命四年己未亡

西藏

四川雅州府西南古曰烏思藏即唐古忒前藏
名曰布達拉距京師萬里乃坤維極遠之地天文入

古蕃

井三十度四時觀北斗祇見其半南極出地十六度
唐高宗以宗女文成公主妻其國王始封為海西郡
王康熙五十九年平定西藏

敕封康濟龜為貝勒阿爾布為貝子隆部鼐為公頗羅鼐
以軍功疊邀

恩命封至郡王領藏事子孫世襲焉乾隆十五年謀逆伏
誅藏王之害遂除

高宗以其地
賜達賴喇嘛管轄以後藏屬班禪額爾德尼佛管轄國人

酷信佛法自收封後頗稱寧謚班禪任札什倫布距
前藏一千餘里乾隆四十五年入覲

賜四體字玉册玉印五十九年仍還札什倫布駐錫其地
與廓爾喀接壤故貿易多西洋貨物行使銀錢每枚
每一錢五分五十八年奏准在藏設局鼓鑄

賜名寶藏局四川總督派員往董其事面鑄乾隆藏寶四
字

金川 金川僻在四川省城西南隅為漢冉駝外徼隋
置金川縣唐屬維州今茂州雜谷廳也至明隸雜谷

安撫司西北通甘肅回部西南控三藏其地高峯插
天層疊迴複中有大河用皮船筏橋通往來山深氣
寒多雨雪所種惟青稞蕎麥其番民皆築石礪以居
與綽斯甲布等九土司壤相錯康熙五年其土司嘉
勒塔爾巴內附給演化禪師印俾領其衆後其庶孫
莎羅奔以土舍率兵從岳鍾琪征羊崗有功授爲安
撫司莎羅奔既得官號自稱大金川以舊土司澤旺
爲小金川於是有大小兩金川之稱金川原名促浸
噶拉依爲其巢穴舊官寨在勒烏圍小金川原名儋

拉美諾爲其巢穴今析促浸爲緞靖崇化二屯析儋
拉爲懋功撫邊章谷三屯白灌邨至金川有兩道一
由汶川之桃關出口爲大道塘汛外百里無人烟銀
餉所經一由汶川之牛頭山出卧龍關爲小道商賈
奔走絡繹不絕然每至一程居民歇店僅有數十家
常有絕糧患往年征金川時進兵分五道一由灌縣
至懋功爲東路一由打箭爐至章谷爲南路一由雜
谷至撫邊爲西路一由綽斯甲布至緞靖爲北路一
由木坪至鄂克什爲中路初兩金川有夙怨不甚聯

絡劃控卡山梁爲界後金川日強遂越控卡佔踞小金川之大牛廠小金川畏之退保小牛廠小金川本恃控卡爲保障至是滋懼遣使卑詞厚幣結婚姻爲脣齒國莎羅奔尋以女阿扣妻澤旺澤旺懦爲妻所制乾隆十一年莎羅奔劫澤旺歸奪其印總督慶復檄諭始還澤旺于故地十一年又攻革布什咱及明正土司巡撫紀山遣將彈治不奉約反傷我官兵奏請進剿

上以黔督張廣泗征苗有功調川督用兵大學士公訥親往視師將相不和致僨事

命大學士傅恒往經畧至則斬良爾吉阿扣斷賊內應刻期進剿是時莎羅奔居勒烏圍其兄子郎卡居噶拉依懼請降

上受之遂罷兵無何郎卡主土司事不數年漸狂悖二十三年逐革布什咱土官及澤旺之子僧格桑于吉地又數侵境不已未幾轉以女妻僧格桑兩金川由是狼狽爲奸矣澤旺老且病事皆歸僧格桑已而郎卡死其子索諾木益凶狡與僧格桑相勾結三十六年

索諾木計殺韋布什咱土官並攜其妻僧格桑再攻鄂克什侵及明正土司當事遣兵護鄂克什僧格桑遂與官兵戰事聞

上以前此出師本以救小金川今小金川反肆逆罪不可赦乃

命溫福桂林赴蜀共討賊美諾既克巢穴掃平逆酋僧格桑逃匿金川遂與金川鈎聯一氣潛召降番爲內應外合計致有木果木之失

上乃授阿桂爲定西將軍豐昇額明亮爲副將軍分三路

進兵四十年十二月十七日大軍逼噶拉依索諾木之母阿倉姑阿青及其姊妹皆來降知索諾木莎羅奔並造謀之頭人丹巴沃雜爾皆在圍中蓋諸賊愁惡已極故天使之羣聚一隅使我得一網盡之無遺漏也時大兵合圍立柵周數里無一罅可竄出密如網又鑄大礮轟擊連日夜不止礮所著輒洞牆壁數重復斷水道以困之索諾木益惶窘使其兄岡達克及朔諾穆彭楚克先詣營乞哀索諾木復懼死不敢出四十一年正月岡達克遣人往諭仍稱病堅匿硯

中我軍攻益急二月四日計窮乃率莎羅奔甲爾瓦沃雜爾斯巴丹及其妻並兩大頭人丹巴沃雜爾阿木魯等挈大小頭目及番衆二千餘人出寨捧印跪獻軍門金川平先是賊勢熾揚言寨破當舉家自焚死至是竟無一自戕者悉就俘大功告成

御製碑文四篇一刻太學一刻美諾一刻勒烏圍一刻噶拉依設鎮安營駐官兵鎮金川地復定各土司万年入覲例自此各番畏威懷德保寨守邊西南陲永久寧謐億萬年長享太平定于此矣

臺灣

今福建臺灣府自古不隸中國文獻通考云泉州之東有島曰澎湖澎湖旁有毘舍耶國蓋即是也明嘉靖中海賊林道乾爲俞大猷所逐遁入臺臺皆土番道乾不樂居其地殺番取其血固舟人占城天啟中有奸民顏思齊引日本倭據之鄭芝龍附焉遂爲巢穴芝龍泉人也侵漳而不侵泉故漳人議勦而泉人議撫兩郡相持久不決寇愈橫上爲之逮治巡撫朱一馮奮撫朱欽相總鎮俞咨臯等已而芝龍悔禍崇禎元年就撫于兩廣總督熊文燦以其地餽荷

蘭紅毛夷我

朝順治初大兵下閩芝龍降其子成功不從據金門廈門諸島屢爲患十六年自江南敗歸十八年夏遂襲取臺灣時荷蘭固守不肯下成功告之曰此地本先人故物我欲得之耳金帛悉以歸汝荷蘭乃携貨去成功名臺灣曰東都設天興萬年二縣康熙元年成功死子錦襲改東都爲東寧縣爲州其地肥饒穀歲三熟閩粵人爭趨之日富庶錦據以擾沿海地無寧歲二十年錦卒子克塽襲爲將軍劉國軒鎮澎湖二

十二年我靖海將軍施琅克澎湖克塽國軒降乃臺灣府及臺灣鳳山諸羅三縣其地東倚山西傍海北自雞籠山對峙福州之白犬洋南自沙馬崎對峙漳之銅山延綿二千八百里西南一片沃野自海至山淺濶相均約百里西東穿山至海約四五百里巒疊巘皆生番所居打鹿爲食不隸版籍也六十年奸民朱一貴倡亂郡縣皆失一貫稱義王僭號永和閩督滿保遣提督施世標總兵藍廷珍以萬七千兵入平之俘一貴雍正元年以諸羅北境遼濶增設彰化

化縣及北淡水同知六十餘年以來地大物奮俗日益淫侈奸宄因芽孽其間乾隆五十一年彰化有林爽文者恃其所居大里杙地險族繁閩廣間故有所謂天地會者爲奸徒結黨名目爽文借以糾約羣不逞之徒嘯聚將起事太守孫景燧等至彰化率兵往捕不敢入諭村民擒獻否則村且燬先焚數小村枕之被焚者實無辜也爽文遂因民之怨集衆夜攻營全軍盡沒時十一月二十七日也明日賊乘勢陷彰化十二月六日又陷諸羅鳳山有莊大田者亦盜魁

乘亂起十三日陷縣城惟府城有總兵柴大紀等固守賊屢攻不能破而彰化之鹿港賊已遣僞官來監稅有泉民林湊等起義擒之是以府城鹿港兩海口未失諸羅爲南北之中大紀復諸羅遂守之爽文必欲陷之五十二年自六月中攻圍連日夕不止大紀與諸羅士民拒守凡百餘戰幸皆不大颯然已饑疲不能支孤城將旦夕陷矣

上以諸羅被圍久特改名嘉義以旌士民即調陝督福康安爲將軍及內大臣海蘭察來統兵十一月八日福

將軍起行賊方列拒于崙仔頂海蘭寮發矢殪十餘賊賊即披靡笑曰此一羣犬耳何畏遂麾兵入沿路復擊殺賊之伺隙者至牛稠山再敗之即以是日抵嘉義城中有山名小半天者四面陡絕賊遁而聚此十八日又克之遂遁歸大里杙已築土城頗堅二十四日官兵至賊猶數萬出拒退而復集者數既夕我兵伏溝坎間賊萬炬來索戰我兵在暗不能見而我兵視賊則歷歷可數發槍箭無不中自知失計遽滅火復擊鼓來攻我兵又從鼓聲

之殺死無算黎明遂克其城爽文已攜孥走據守集埔其所預營拒險處也十二月五日官兵騰而上殺千餘人於是賊黨皆潰爽文先匿其孥于番社惟與死黨數十人竄窮谷叢箐中十三日先獲其孥五十三年正月四月爽文潛出覓食遂擒之而莊大田雖與爽文同逆又各自號召不下乘官兵未南益焚掠聚糧爲旅拒計已又思出降計未定而將軍已于十六日至牛莊大田倉猝出拒敗而走連躡之于大武隴大目埤南潭中洲大小岡山水底寮連戰皆捷

極南有地名卽嶠者負山臨海最遠阻大田力不支
與其黨潛匿焉將軍先遣水師由海道繞而截之于
水自以大兵環山圍之賊衝突不得出陣殺者數千
溺海者數千擒而戮者亦千餘大田亦就獲臺灣平
打箭鑪 在四川成都府西南九百二十里相傳諸葛
武侯南征遣偏將郭達造箭于此山脊中有郭達廟
極著靈應土人敬奉維虔天文分野井鬼之域爲中
華之極西西域之極東天時多寒少許層巒峻嶺峭
壁懸崖中隔通河形勢險峻

國朝添設軍糧廳分駐鑪城專司夷務兼理五臺糧運
明正土司甲克木參同駐于此轄十二鍋莊約束新
附土司乾隆丙午

敕建惠遠廟于以四山麓金碧輝映光照山谷番民所居
礪樓亦極宏壯鑪定橋在飛越嶺西南六詔孔道橋
跨兩山間瀘水經其下不施梁柱鎔鐵鍊爲橋每鍊
重二千四百斤長二十四丈有奇濶六尺以九鍊爲
橋身四鍊爲護欄欄穿小鍊如卍字形畧鋪薄板以
濟行人每板離尺許滿則恐爲狂風鼓蕩兩崖埋鐵

柱四橫木以縮鐵鍊每柱鐫鍊柱斤重每柱重四萬
八千斤天全州有王姓者世業鍛能懸鑪于鍊鼓鞴
施鎚名曰飛火遇有損壞輒召令興修他姓不能也
按打箭鑪故旄牛徼外地也旄牛今雅州府清溪縣
自雅州西去五百九十里至大渡河五日程羌蠻混
雜連山接野鳥路沿空漢永平中白狼槃木唐苻等
百餘國舉踵奉貢越山坂負襁而至皆此種類蜀漢
時武侯征孟獲于此造箭因名打箭鑪唐韋臯拒吐
番李德裕拒南詔皆扼大渡河爲險要宋建隆三年

王全斌平蜀議欲因兵威復越雋藝祖以玉斧畫所
繪圖曰外此吾不有也于是爲黎雅之極邊曩時河
道平廣可通漕舟自玉斧畫河之後河之中流忽陷
五六十丈河流至此澎湃如瀑從空而落春撞號怒
船筏不通名曰噎口殆天設險以限羌蠻也元明時
番人俱于此地互易茶馬自明末流寇之變商民避
兵過河挾茶貿易而烏斯藏亦適有喇嘛到鑪彼此
交易漢番襍處于是有坐鑪之營官管束往來貿易
諸番我

朝定鼎德威所播直通西域打箭鑪一區盡入幅員矣
香山壘 在廣東廣州府香山縣大海中即壘門忽起
一石硬廣十餘丈長六里許首尾相屬不斷如蓮之
有莖中途甕城名關閘踰之抵壘門則如蓮萼番人
依山築城廣袤四五里三面皆臨巨浸惟北通地脉
一莖耳海中諸峯包裹前十里爲十字門如兩眉橫
列而缺其正中又南十里爲小橫琴寨溢口又南稍
折西爲大琴重案也番人之停泊必于灣灣之所在
即名澳香山故有澳名浪白諸番互市其中而今之

壘門則舊名濠鏡地有南北二灣明萬歷中有大西
洋人至此樂之遂請濠鏡爲澳而就二灣停泊久之
益自彼國遣衆聚居歲輸稅五百金我

朝除之番人安其業者已數世所居率依山爲樓三層
方者圓者三角者六角八角者俱爲螺旋形以入其
教曰天主其寺曰三吧高十餘丈于屋側啟門戶石
作雕鏤金碧照耀寺僧曰法王以時集男女禮拜其
所奉曰天母名瑪利啞抱一嬰兒曰天主爲耶穌被
服珍怪障以琉璃望之毛髮生動云漢哀帝時人也

寺有風琴銅絃彈之以和經唄並管簫諸樂器藏機木柜聯以絲繩輪牙相錯一人轉機則諸音並奏有定時台巨鐘覆其上立飛仙台隅爲擊撞形亦以機轉之按時發響起子末一聲至午初十二聲復起午末一聲至子初十二聲晝夜循環無少爽前揭圓槃書十二辰俟某時鐘動則蟾蜍移籌指某位有千里鏡番人持之登高以望船械杖颿檣可矚三十里外又有玻璃千人鏡多寶鏡顯微鏡小自鳴鐘自行表以及海洋全圖璇機諸器皆極工巧其人昂鼻鬚髮

目深碧不眵貴女而賤男晝卧而夜起男有黑白二種白者貴黑者爲奴腰佩長刀著地尺許間有握赤藤者則甚貴壘中四人而已壘中有議事亭番目四人受命于其國更番董市事凡市經四人議衆莫敢違其行賈之地曰馬西以中國絲帛白鉛易胡椒檀香燕木以歸且與馬西約不得以所產市他國康熙辛未馬西背約私與他國市壘人怒駕舸往所市之國責之馬西患之遂相仇殺死者三百餘人市道中絕稍西曰小西洋去中國萬里半午始至所產有碧

琉璃諸器極西曰大西洋去中國九萬里三年始至往者以其太遠祇就旁島遷販未嘗親至其地也

陸疆

在直隸易州漢書年表景帝封匈奴降王陸疆

為道侯今縣北一里故道城是按道今涑水縣廢涑水縣在州北四十二里

盧它父

在直隸保定府容城縣南四十里有渾塗城

漢景帝改為亞谷城封東胡降王盧它父為亞谷侯在此

昆邪王

在甘肅肅州及甘州府昔月氏之地為匈奴

所滅匈奴令休屠昆邪王守之漢武帝時昆邪王以眾來降以其地為張掖酒泉郡按郡即羌人通譯之路入月氏大夏皆由此

渾邪王

今甘肅安西州燉煌縣本匈奴渾邪王分地

漢元鼎六年置燉煌郡

休屠王

今甘肅涼州府本匈奴休屠王地休屠敗漢

元狩二年置武威郡金日磾其太子也

--	--	--	--	--	--	--	--	--	--

薄海番域錄

蠻部一

山左武定邵大緯星巖氏述

渤海大氏

在燕州今直隸永平府撫寧縣置守在幽

州幽都縣今順天府宛平領靺鞨本粟末靺鞨種也

稱渤海大氏隋北番風俗記初開皇中粟末靺鞨與

高麗戰不勝有厥稽部渠長奚地稽首者率忽賜來

部窟突始部越稽蒙部越羽部步護賴部破奚部步

步括利部凡八部勝兵數千人自扶餘城西北今開

原舉部落向關內附處之於營州柳城即撫寧煬帝

蠻部

八年爲置遼西郡並置遼西懷遠盧河三縣以統之
以突厥稽爲太守理營州東二百里汝羅城亦撫寧
境後遭邊寇侵掠又寄理于營州城內即撫寧城唐
武德二年改遼西郡爲燕州仍置總管六年自營州
徙居幽州城內今宛平歷代襲爲燕州刺史建中初
爲朱滔所破尋滅按寰宇記自燕州以下有十七州
皆東北蕃降胡散處營州幽州界內以州名羈縻之
無所役屬安祿山之亂一切驅之爲寇遂擾中原至
德之後入據河朔其部落之名無存焉者今記唐天

寶之故跡地理于左威州隸幽州大都督所領戶契
丹內稽部落慎州初隸營州領涑沫靺鞨烏素固部
落後隸幽州歸順州置爲契丹松漠府彈汗州部落
元州處契丹李去間部落隸幽州崇州處奚可汗部
落隸營州都督巨賚州處靺鞨愁思嶺部落初隸營
州後隸幽州師州領契丹室韋部落初隸營州改隸
幽州鮮州分饒樂郡都督府奚部落隸營州後改幽
州帶州處契丹乙失韋部落隸營州後改幽州黎州
處浮渝靺鞨烏素固部落隸營州沃州處契丹松漠

部
落
隸
營
州
改
幽
州
昌
州
領
契
丹
松
漠
部
落
隸
幽
州
歸
義
州
處
海
外
新
羅
隸
幽
州
瑞
州
處
奚
厥
烏
奚
汗
達
于
部
落
隸
幽
州
信
州
處
契
丹
失
活
部
落
隸
幽
州

室
韋
靺
鞨

在
營
州
柳
城
縣
北
今
錦
州
府
寧
遠
州
後
魏

末
通
焉
西
北
與
奚
接
界
北
與
契
丹
接
界
按
隋
書
室
韋
有
五
部
並
無
君
長
人
衆
貧
弱
奚
厥
沙
鉢
畧
可
汗
嘗
以
吐
屯
蕃
埏
統
領
之
契
丹
之
別
種
也
南
室
韋
在
契
丹
北
三
千
里
又
北
行
十
一
日
至
北
室
韋
鉢
室
韋
在
北
室
韋
之
北
深
末
怛
室
韋
在
北
室
韋
之
西
北
大
室
韋
在
建
河

之
南
深
末
怛
室
韋
之
西
北
也
按
後
魏
書
自
契
丹
路
經
噶
水
蓋
犢
子
山
其
山
周
廻
三
百
里
又
經
屈
利
水
兩
水
始
到
其
國
北
室
韋
分
爲
九
部
落
其
渠
帥
號
乞
莫
賀
咄
氣
侯
最
寒
冬
則
入
山
居
土
穴
中
牛
畜
多
凍
死
又
北
行
千
里
至
鉢
室
韋
依
胡
布
山
而
住
人
衆
多
于
北
室
韋
不
知
爲
幾
部
落
用
樺
皮
蓋
屋
餘
同
北
室
韋
從
鉢
室
韋
西
四
日
行
至
深
末
怛
室
韋
因
水
爲
號
也
冬
月
穴
居
以
避
太
陰
之
氣
又
西
北
數
千
里
至

部焉所謂嶺西室韋北室韋黃頭室韋大如者室韋
小如者室韋訥婆高室韋訥北室韋駱駝室韋並在
柳城郡之東北近者三千五百里遠者六千二百里
延陀部落 寄寧朔縣今陝西榆林府榆林舊置達渾
都督府管小州五姑衍州步訖若州喚彈州鶻州低
栗州戶一百二十七

畧陽氏 在興州今陝西漢中府畧陽縣戰國爲白馬
氏之東境漢武帝以白馬氏分置武都郡今甘肅階
州縣即武都郡之沮縣也晉永嘉末氏人楊茂搜自

號氏王據武都自後郡縣荒廢而茂搜子孫承嗣爲
氏王其後楊難當又據下辨今階州成縣自稱大秦
王弟伯宜爲茹蘆王伯宜孫鼠分王武興即今縣理
是也楊鼠旣王武興又得武都河池二縣之地鼠子
集始稱藩于後魏後復叛魏遂廢武興爲藩鎮

鳳州氏 在鳳州今陝西漢中府鳳縣其地本氏羌所
居漢建安中有楊騰爲部落大帥騰子駒勇健多計
畧始居仇池今甘肅秦州徽縣一名仇池玉京武帝
封楊盛爲武都王其子元及難當亦相繼爲王文帝

元嘉十八年難當傾國入寇規有蜀土遣裴方明討之難當奔後魏太平真君二年拓定仇池于此城立鎮

文州氏

今甘肅階州文縣周雍州之境戰國時氏羌據焉漢武帝開西南夷置陰平道凡邑有蠻夷曰道永嘉之後羌虜楊茂搜據此郡自後不爲正朔所頒南史謂志悉無錄土風習俗半襍氏羌婚娶頗秦中土

月氏

在鄯州湟水縣今甘肅西寧府碾伯縣字記湟

中月氏其先大月氏之別也舊在張掖酒泉地月氏王爲匈奴冒頓所殺餘種分散西踰葱嶺其羸弱者南入山依諸羌居及霍去病破匈奴取西河地開湟中縣築令居塞即此以其地屬金城郡今蘭州于是月氏來降與漢人錯居雖依附縣官而首施兩端亦以父名母姓爲種其大種有七勝兵合九千餘人分居湟中

西羌

在會州會寧縣今甘肅蘭州府靖遠馬首雍州之域古西羌地

蠻部

卷四

五

五部羌

在甘肅階州本漢氏羌地置武都郡後魏平仇池羌屬改石門縣郡國志武都沮水之西有角弩谷即姜維勦五部氏羌之所

河曲羌

在姑臧今甘肅涼州府武威縣即西戎之地禹貢謂析支渠搜西戎即敘析支在大宛之北即今郡也六國至秦為月氏居焉地理志西羌者自賜支以西賓河首左右居今河關西可千餘里有河曲羌謂之賜支即古析支

宕昌羌

在宕州今甘肅鞏昌府岷州秦漢魏晉諸羌

處之亦三苗之裔與先零燒當罕开諸部性別自立酋帥皆有地分不相統攝宕昌其一也後魏招撫四夷統有其地後魏書梁彌忽者宕昌羌也其先常為羌豪祖勒自稱宕昌王彌忽世祖時表求內附世祖嘉之拜彌忽為宕昌王其後遂相傳襲稱藩于魏因封其地為宕昌蕃俗無文字但候草木榮落以記歲時

廓州羌

在廓州今甘肅西寧府西寧縣自春秋至漢初亦西羌地漢宣帝時諸羌數叛趙充國屯隴西諸

羌不敢動按後漢段熲傳延熹二年燒當燒何當煎
勒姐等八種羌寇隴西金塞追討南渡河大破之至
永康元年諸羌復反熲又追及大破之西羌于是弭
定建安中分金城置西平郡此地即西平南界

爰劍羌

在松州今四川龍安府松潘廳爰劍諸羌居

焉後漢書西羌傳西羌之本出自三苗蓋姜姓之別
其國近南岳及舜流四凶徙之三危今河關之西南
羌地是也濱于賜支至于河首綿地千里賜支者禹
貢所謂析支者也王政修則臣附德教失則寇亂本

無君長夏末及商周之際或從侯伯征伐有功天子
爵之以爲蕃服羌無弋爰劍者秦厲公時爲秦所執
以爲奴隸未詳爰劍何戎之別也後得亡歸與劓女
遇合于野遂成夫婦女恥其狀被髮覆面羌人因以
爲俗遂居亡入三河間今甘肅蘭州鞏昌二府之西
南衆羌共畏事之推以爲豪湟河間羌人謂奴爲無
弋以爰劍嘗爲奴隸因名其後世世爲豪秦穆公時
爰劍曾孫忍將其種人南出賜支河其後子孫各自
爲種或爲犛牛種越嶲羌是也或爲白馬種廣漢羌

是也或為秦狐種武都羌是也至爰劍曾孫忍及弟
舞獨留湟中忍生子研故羌中號其後為研種漢景
帝時研種留何求守隴西塞于是徙留河等于狄道
安置及武帝西逐諸羌乃渡河湟築令居塞始置護
羌校尉從爰劍種五世至研研最豪健以研為種號
十三世至燒當復豪健其子孫更以燒當為種號滇
良者燒當之元孫時王莽末四夷內侵及莽敗衆羌
還據西海光武復置護羌校尉自燒當至滇良世居
河北大允谷種小人貧而先零卑湍並皆強富數侵

犯之滇良父子積怨從大渝中掩擊先零卑湍大破
之掠取財畜奪居其地大小渝中由是始強滇良子
滇吾立部落轉盛嘗雄諸羌在晉內附後為西魏所
有

隴西羌 今甘肅鞏昌府隴西縣漢明帝時金城隴西
羌反于臨洮今岷州道險車騎不得方輓馬援設奇
兵破之築索西城以屯戍軍士

疊州羌 在疊州今甘肅階州文縣歷代為諸羌所據
周建德六年西逐諸戎始有其地

葱姑羌 在甘肅安西州燉煌縣西西域之南山中從
媯羌西至葱嶺有月氏餘種葱芪羌白馬羌黃牛羌
各有酋豪其黃牛羌種類孕身六月而生南與白馬
羌鄰並魏時聞焉按梁載言記云媯羌王號去胡來
王土地十三州志云媯羌國濱帶南山西有葱嶺餘
種或虜或羌戶口甚多也在古不立君臣無分長幼
強則分種為酋豪弱則為人附落更相抄暴以力為
雄

黨項羌 占析支之地今甘肅涼州府武威縣漢西羌

之別種晉魏已降西羌微弱周滅宕昌邈至之後党
項始強南襍眷桑迷桑等羌北連吐谷渾其種每姓
自別為部落一姓之中復分為一小部落大者萬餘
騎小者數千騎不相統一有細封氏費聽氏姓利氏
頗超氏野律氏房當氏米禽氏拓拔氏而拓拔最為
強族唐貞觀間遣使開其河曲地為六十州內附者
三千萬口有羌酋拓拔赤辭者甚為渾王伏允所暱
與之結婚屢抗官軍後與其從孫子頭並率服以松
州都督府羈縻存撫之今四川龍安府松潘廳賜姓

李白是從河首積石以來並無中國之地後吐蕃強盛拓拔漸爲所逼請內徙始移部落于慶州今慶陽府又有黑党項在赤水之西首領號熟善王其雪山党項姓破丑氏在雪山之下唐貞觀初皆來朝貢又有白狗眷桑白蘭等諸羌自龍朔以後並爲吐蕃所破而服屬焉其人多壽年至百五六十歲無文字但侯草木以紀歲時其後居慶者號爲東山部落居夏州者號爲平夏部落按夏州今陝西榆林府懷遠縣漢之朔方縣也舊置雲中都督府有部落在朔方縣

界管小州五合利州思壁州阿史那州綽部州白登州戶一千四百三十又呼延州都督府党項部落亦寄朔方縣界管小州三賀魯州那言州跌跌州戶一百五十五

鄧至羌 在甘肅鞏昌府岷州南羌之別種也後魏時興焉有像舒治者世爲白水酋因地名號自稱鄧至王自舒治至十世孫舒彭附于後魏文帝封甘松縣子又數世西魏桑啓初其子檐術因亂來奔周文帝遣兵送還自後無聞

湟中羌 在鄯州湟水縣今甘肅西寧府碾伯古西戎地按西羌傳無弋爰劍者為秦所執後藏于巖穴中秦人焚之有景象如虎為其蔽火得免遂亡入三河間諸羌以為神共畏事之推為豪至爰劍曾孫忍季父邛畏秦人之威遂得其部落而南出賜支河曲西數千里與衆羌絕遠不復交通子孫分別各自為種忍及弟舞獨留湟中忍生九種舞生十七種羌之興從此起矣其俗全是吐谷渾可汗子孫其先是狼種今旌旗皆有狼形備衛人亦稱附離即彼謂狼也夷

言謂左衽射袴不開襠為寒故也

白水羌 在松州嘉誠縣今四川龍安府松潘廳後魏時白水羌像舒理者常為羌豪據此城自稱鄧至王至舒彭內附拜龍驤將軍及關中亂乃絕後魏末平鄧至蕃始統有其地按唐天寶十二年松州都督府一百十四州其二十五州有額戶口多但羈縻逃散餘七十九州皆生羌部落或臣或否無州縣戶口但羈縻之而已

臨塗羌 在四川茂州唐武德元年歸附置羈縻塗州

又貞觀五年生羌歸附置炎州向州冉州穹州又西羌首領董涓貞歸化置徹州七年白狗羌降附置箜州皆屬茂州都督永徽後又析爲三十一州

霸州羌

在羈縻霸州今四川茂州襍谷廳境內唐天

寶元年因招附生羌置靜戎郡便以羌附首董嘉俊爲刺史領七部族把蕃卓子孫相承不絕乾元間改霸州部族男兒氍帽青毛爲衫袴緋毛爲襪胡盧墊婦人帶草綾二尺如扇子用竹作扇骨衣青毛衫三着青毛裙不着褲

白狗羌

在維州今四川茂州襍谷廳漢以前本徼羌

冉駝之別種蜀漢後主時姜維馬忠督將軍張嶷北討汶山叛羌即此地有勝兵一千與會州連接今甘肅蘭州府靖遠縣與白蘭俱唐初朝貢武德七年白狗羌首鄧賢佐內附乃于姜維壘置維州貞觀元年賢佐叛罷郡縣三年左上封生羌首董屈占等舉族表請置吏因復置維州顯慶中白蘭爲吐蕃所併收其兵以爲軍鋒貞元中王陀羅護又與女國等詣劍南西川節度使韋臯內附詔授護大常卿兼保州司

馬後子孫承襲其爵

栗亭羌

在成州栗亭縣今甘肅階州成縣有廢上祿縣宋分西山五羌爲十二部由是郡邑成焉

五溪蠻

在湖南辰州府水經注武陵有五溪謂雄溪楠溪酉溪澗溪辰溪也皆蠻夷子孫所居謂之五溪蠻元和志辰州蠻戎所居其人皆槃瓠子孫或曰巴子兄弟立爲五溪之長在酉溪在州西次南武溪次南沅溪次南辰溪次東南熊溪次東南朗溪其熊朗二溪與水經注雖不同推其次第相當則五溪盡在

今辰州界也按土俗雄作能楠作朗澗作武後漢書高辛氏有畜犬曰槃瓠帝妻以女有子十二人皆賜名山廣澤其後滋蔓今長沙武陵是也光武時尤盛其渠帥精夫相單程等據險爲寇精夫蠻爲渠帥者也遣劉尚發兵萬餘人沂沅水入武陵擊之今瀘溪縣山深水急舟船不得上蠻緣路邀戰漢軍皆沒後遣伏波將軍馬援等至臨沅擊破之其單程等悉降蠻平按太平寰宇記謂五溪蠻在四川酉陽州彭水縣謂酉辰巫武沅等五溪相傳楚子滅巴巴子兄弟

五人流入五溪各爲一溪之長一謂五溪蠻皆槃瓠子孫自爲統長故有五溪之名古謂之蠻蜒聚落按槃瓠廟在瀘溪縣西一百八十里武山

沔中蠻 在湖北漢陽府沔陽州漢爲南郡地光武二十三年南郡潯山蠻雷遷等始反叛武威將軍劉尚討破之徙其種七千餘口置江夏界中其後沔中蠻是也廩君之裔按漢之江夏郡今竟陵富水安陸齊安漢陽江夏蘄春郡地

板楯蠻 在巴郡今四川重慶府即賔人族人之類也

其渠帥羅樸督鄂度夕襲七姓不輸租稅餘戶乃歲入錢口四十巴人呼賦爲賔謂之賔人焉世號爲板楯蠻漢靈帝時叛詔赦之自巴西之宕渠遷于漢中楊車坂抄掠行旅號爲楊車巴魏武尅漢中李持祖將五百家歸之後又遷于畧陽北復之爲巴氏

黔州蠻 在黔州今四川酉陽州歷古蠻夷之地左傳庸人率羣蠻叛楚即其地武陵五溪蠻之西界也襟居溪洞其性獷悍其風禘祀禮法之道固不知之

西陽蠻 在湖北黃州府黃岡縣宋孝武大明中西陽

蠻皆反叛沈慶之率江雍荆河州諸軍討破之明帝
順帝時尤甚雖遣兵攻討終不能禁荆州爲之虛

西溪蠻

在湖南常德府武陵縣齊高帝時武陵西溪
蠻田思飄及武帝永明初黔陽蠻田豆渠湘州蠻陳
雙李答並掠州郡討平之當南北之時淮汝江淮間
諸蠻渠帥互有所屬皆授封爵焉然叛服無常雖屢
經破敗而寇攘不止後周武帝詔陸騰討之蠻衆大
潰斬首萬餘級乃收其骸骨于水邏城側築爲京觀
後蠻蜒望見輒大哭自此狼戾之心輟矣按後漢書

其在黔中五溪長沙間者則爲盤瓠之後其在峽中
巴梁間者則爲廩君之後其後衆種繁盛侵擾州郡
或移徙交襟亦不得詳別焉

牂柯蠻

在貴州貴陽府貴筑縣渠帥謝氏舊臣中國
世爲本土牧守隋末大亂遂絕唐貞觀三年其酋長
謝龍羽遣使朝賀授爲牂柯刺史封夜郎公勝兵戰
士數萬于是列其地爲牂州爲黔州羈縻州即今省
治後爲正郡又有充州蠻乃牂柯別部與牂柯隣境
有勝兵二萬亦爲黔州羈縻州黔州今四川酉陽州

彭水縣

夷州蠻 在夷州今貴州石阡府古外蠻夷荒徼之地
漢為牂柯郡地歷代恃險不聞臣附隋大業七年始
招慰置綏陽縣今龍泉縣也風同黔中而蠻夷之俗
頗有不同

濮落蠻 在雲南楚雄府鎮南州唐時濮落蠻之所居

地也

烏麼蠻 在雲南臨安府建水縣及石屏州唐時烏麼
蠻所居地

烏白蠻 在雲南雲南府安寧州唐武德初置後烏白

蠻遷居于此

爨刺蠻 在雲南曲靖府尋甸州昔爨刺蠻居此後烏
蠻新丁奪之

羅落蠻 在雲南北勝州今永北廳唐貞元中南詔異
牟尋始開其地名北方耽徙瀾河白蠻及羅落麼些
實其地號曰劍羌

麼些蠻 在雲南澄江府新興州南昔麼些蠻步雄之
所居地

蠻部

卷四

十六

牛睽蠻 在雲南麗江府鶴慶州蠻名牛睽府城蠻又名三睽

南平蠻 在渝州今四川重慶府綦江南川二縣地北與涪州接按即南詔蠻部落四千餘戶山有毒草及沙蝨蝮蛇人並樓居登梯而上號爲干欄其王姓周氏號劍荔王唐貞觀間入貢以其地隸渝州其人美髮爲椎髻土多男少女爲婚之法女氏必先以貨求男族貧人無以嫁女多賈與婦人爲婢俗皆婦人執役

東謝蠻

在黔州之西數百里今貴州平越州餘慶縣境南蠻別種渠帥姓謝氏即謝元深也世襲其子族不有女自云高姓不可下嫁唐貞觀三年元深入朝冠烏熊皮冠若今之旄頭以金絡額身披毛帔韋皮行膝而着履時中書侍郎顏師古奏言昔周武王天下太平遠國歸順太史乃集其事爲王會篇今萬國來朝至如此輩實可圖寫今請撰王會圖詔從之開其地爲應州隸黔都督府即黔州所管羈縻州也又有南謝首領謝疆與西謝蠻隣接與元深俱來朝

西趙蠻

在雲南雲南府之東東至夷子西至昆明南至西洱河風俗與東謝同在其南並南蠻別種其界山洞深阻莫知里數南北十八日行東西二十三日行趙氏代爲首長有萬餘戶自古不通中國唐貞觀中入朝以其地置明州以首領趙磨爲刺史

梅山蠻

在湖南長沙府安化縣蠻夷傳梅山蠻恃險爲邊患宋神宗命章惇招納之檄諭開梅山得其地籍其民戶口丁田置安化縣

環州蠻

在雲南武定州西一百九十里元謀縣宋時

之蠻名也

松外諸蠻

今四川松潘廳唐貞觀末爲寇遣兵從西洱河討之其西洱河從鶴州四千五百里今寧遠府越雋廳其地有數十百部落大者五六百戶小者二三百戶無大君長有數十姓以楊李趙董爲名家各擅山川不相役屬自云其先本漢人有城郭封邑弓矢矛鋌言語雖小訛舛大畧與中夏同有文字頗解陰陽算術以十二月爲歲首自夜卽溟池以西皆云莊躄之餘種也其俗有盜竊殺人淫濺之事酋長即

立一長木爲擊鼓警衆共會其下其強盜者衆共殺之若賊富強但燒其屋奪其田產而已

巫蠻

在四川夔州府巫山縣漢和帝元永十三年巫蠻許聖等以郡收稅不均反叛發荊州諸郡部兵討破之後悉徙置江夏靈帝光和三年江夏蠻復叛寇累年廬江太守擊破之皆廩君之裔也按廩君始生自武落鍾離山即夷陵屬邑之地今湖北宜昌府後散居巴梁間即古荆梁之境五姓襍居大約今爲巴峽巫夔四郡皆是也

和夷

在四川雅州府榮經縣禹貢和夷底績和夷和上夷所居之地即和川水在縣北九十里蔡傳以夷爲嚴道以西之夷道非是書說云嚴道以西地名和川夷人所居乃爲得之嚴道即榮經

濮夷

在雋州今四川寧遠府越嶲廳九州要記在郡界千里常居木上作屋有尾長二寸若損尾立死若欲地上居則預窟穴以安尾

文夷

在四川寧遠府境按九州要記雋州西夷人身青而有文如龍鱗生于臂脛之間將婚會于路歌謠

感合以爲夫婦焉又有穿鼻墜耳種瘴氣有聲着人
人死着木木折號曰鬼巢

閩夷 今福建福州府閩縣開元錄閩縣越州地即古
東甌今建州亦其地皆夷種有五姓謂林黃是其裔
十道志嗜欲衣服別是一種

獠夷 在康州瀧水縣今廣東肇慶府德慶州南越志
有夫張縣其俗棚居實爲里之氓落也民夷曰獠夷
也夫張今羅定州

孤夷 在藤州鐔津縣今廣西梧州府藤縣郡國志孤

夷獸名也有兩牙長二寸餘食人性喜人掌蹠得入
即懸之室內當面鋪坐擊鐘鼓歌舞飲酒稍割兩啖
之方于農時獵人以祀田神

化州夷 今廣東高州府化州夷俗悉是椎髻左衽漢
書云荆人鬼話

蕪祁夷 在蕪州蕪祁縣今四川寧遠府西昌蕪祁夷
名也後周武帝開越蕪復于郡舊城立蕪祁縣以蕪
祁之夷爲邑名

西屠夷 在交趾今隸安南馬援開漢南境于交趾南

海行三千里置日南郡其林邑國即日南郡之象林縣去郡四百餘里其南水步道二千餘里有西屠夷亦稱王即馬援所置兩銅柱表漢界處援既北還留十餘戶于銅柱處至隋有三百餘戶悉姓馬土人以爲流寓號曰馬留人銅柱尋沒馬留人嘗識其處

昆明夷 在鶴州昆明縣南今四川寧遠府塩源蓋唐以南接昆明之夷因以名縣

木耳夷 在鶴州今四川寧遠府越嶲廳有木耳夷死則積薪燒之烟正則大殺牛羊相賀以作樂若遇風

烟旁散則大悲哭

越也夷 在太平軍石康縣今廣東廉州府合浦夷人號越也多採珠及甲香爲業親戚宴會即以匏笙銅鼓爲樂

容州夷 今廣西梧州府容縣十道志夷多夏少鼻飲跣足好吹葫蘆笙擊銅鼓習射事弓弩郡國志此地多瘴氣春曰青草夏曰黃茆

藤州夷 今廣西梧州府藤縣郡國志夷人死往往化爲羆羆少虎也其初穴棺如鼠漸如狗大並是人肝

所化也

烏澗夷

在廣西桂林府陽朔縣郡國志在深山洞內能織文布以射翠取羽割蚌取珠為業無親戚重寶貨賣子以接衣食若有賓客易子而烹之竹皇之裔竹皇者女子浣衣水次有三節竹入足間推之不去中有聲破之得一男養之有材武遂雄諸夷地今寧州始興三狼烏澗即其裔也又鬱林州亦有之漢谷永為鬱林太守降烏澗人十萬開置七縣此鬱林縣也在鬱江之西

鬱林夷

今廣西鬱林州夷人居山谷食用手搏酒名都林合糟共飲夜泊縱淫死則打鼓助哀孝子尤恐悲泣刻木契焉

黨峒夷

在廢黨州今廣西鬱林有古黨峒夷人索婦必令媒引女家自送相見後即放女歸家任其野合胎後方還前生之子例非已孕女以烏色相間為裙用緋黠裳下或要領處為冶艷男椎髻女散髮跣足吹笙巢居夜泊

雲南夷

雲南舊志諸處之夷種類非一曰僰人曰爨

人即羅羅有黑白二種曰麼些曰秃老曰斐門口蒲
人曰和泥蠻曰百夷又有小百夷曰土獠曰羅舞曰
撒摩都曰摩察曰濃人曰山後人曰哀牢人曰蛾昌
蠻曰懈蠻曰魁羅蠻曰傳尋蠻大抵滇南之夷皆此
數種其習俗各不相同

貴州夷

貴州舊志貴州所轄夷人種類非一曰羅人
曰宋家曰蔡家曰仲家曰龍家曰曾竹龍家曰打牙
狃狃曰紅狃狃曰花狃狃曰東苗曰西苗曰紫薑苗曰
賣爺苗習俗各異

維西夷

在雲南麗江府今設維西通判按滇夷種多
而俗異性殊擺衣柔狡沙人剛戾羅羅愚痴怒子善
記仇數世猶報各居巖穴能涉險或刀耕火耨或射
獵為食皆難以禮法繩惟麗郡中甸維西之把獐獐
獐模獐剽悍奉喇嘛其親死必延喇嘛問之名刀把
或察媽向屍誦經咒刀把謂死者無罪則懸屍山樹
之極巔以風曰天葬謂有罪則籠屍沉諸江曰水葬
或割屍飼禽獸而火其骨截脛骨作筒吹之曰火葬
者皆梵書捨身餵鷹虎之說也然各種多食生且有

噉生蛇者男女皆佩刀習鏢弩好鬥輕生服飾詭異
難以筆罄自設流官有麗守管學宣能化導草殘骸
之俗偉哉我

朝宏化之遠也

[Faint bleed-through text from the reverse side of the page]

